

# Deutsche Inwannerer an der Nordküst von Rio Grande do Sul

*Autoar (Deutsch)*

*Rodrigo Trespach*

*Tópicos, Deutsch-Brasilianische Gesellschaft, 03/2011*

*Text-Üwersetzung von Paul Beppler*

*(aus Hochdeutsch ins Riograndenser Hunsrückisch)*

*03/2015*

Die Idee von en deitsch Kolonie an der atlantische Küst von Rio Grande do Sul ist von dem Provinz-Gubernatoar José F. Fernandes Pinheiro (1774-1847) komm. Der hatt schon die Gründung von São Leopoldo in 1824 organizeart, en Platz wo schon die earscht Kolonie für die deitsche Inwannerer in Rio Grande do Sul ausgewählt wooh. Do wooh der Ziel en Hawwe, en Ankerplatz für Schiffe baue, um die Kommunikation zwischich der Provinz-Hauptstadt Porto Alegre und Rio de Janeiro, wo do domols die national Hauptstadt wooh, verbessre und um die deitsche Gebiete ehrer Produkte im Inland von Bresilje besser abverkoofe könne.

## ***Die Siedlung von Três Forquilhas (1826)***

Im Juni von 1826 woore enliche Familie in São Leopoldo ausgesucht und Owerscht-Leidnent\* Francisco de Paula Soares wooh dann dem neie Platz sein Uffsiehner genennt. Do horrer zwooi Liste mit en Total von 422 Persone (i.e. 77 Familie und 33 lediche Männer) ferdich geschafft. Gewählt woore die Familie, wo noch ken Land kriecht harre; zudem lediche Männer: die etliche wo mit São Leopoldo unzufriede woore, und einschliesslich Leit wo good mit dem Schiff "Generosa" onnkomm woore.

Noh en pooh Zwischefälle sind die Koloniste dann am 01.11.1826 in fünnef klene Schiffe in Richtung von der nei Siedlung wech gezieht. Doorich der (Fluss) Rio Guaíba\*\* und dann weider üwwich die grössre (Lagune) Lagoa dos Patos sind se gesechelt bis an dem Rio Capivarí sein Mündung. Von dort raus sind die mit Ochs-Wööhn weiter gerest. Am 17.11.1826 sind se in die klen Städtche Torres onnkomm, wo se koorzeidich, bloss für der Üwergang, enquartiert geblieb sind. Im Gechesatz zu São Leopoldo, wo die Land-Parzelle noh dem wie die Leit onnkomm sind, verteilt woore, ist die Land-Ufftehlung dohier gemacht geb dem noh was der Mensche ehre Relischion wooh. Die 237 evangelische Persone honn Land an der Uwer von dem Fluss Três Forquilhas bekom, der 84 katholische Persone woore Parzelle zwischich der Lagune von Morro do Turvo und Jacaré zugesproch. Ehre Kolonie honn die dann São Pedro de Alcântara genennt. Wie das voarhear abgesproch wooh, do hot jede Familie folchendes für sich

kriecht: 77 Hektar Land, Tiere (i.e. K uh, Fearde, Schweine), Sootgut (i.e. Weiz, Reis, Bohne, Kartoffle), Kapitool f ur onnzef ange und 10 Steierfrei-Johre.

In der alde Kolonie von Tr es Forquilhas honn Inwannrer aus verschiedene Reschione von Deitschland gelebt, doch von dene hatt die gr osst Meahrheit aus dem Hessen-Darremstadt Gross-Herzochtum (i.e. Gr ao-Ducado, uff Bresiljoonisch) ausgewannert. Net nuar dort in Tr es Forquilhas hin, sind Mensche von dort dr uwwe r uwwer ingewannert komm; awer in dem gesamt S ud-Tehl von Bresilje, zwischich 1824 und 1825, sind measchtens Mensche aus Hessen ren komm. Sp ater sind die Gruppe aus Rheinland-Pfalz (i.e. Hunsr uck und Alzey-Worremms) immer gr osser geb. Ab 1830, noh dem abstoorz von dem Kaiser von Bresilje, Dom Pedro I, wooh die Inwannrung verbot. Earscht ab 1850 hot das dann noomoh onngefang.

### ***Die Evangelisch-lutherische Kirche***

Im 19. Joahrhunnert wooh Bresilje offiziool en katholisches Land gewes. Die deitsche Bev olkung wo evangelisch\*\*\* wooh k onnt ehre Gloowe  offentlich net praktiziere, und ehre Keeriche doorfte ken Kreiz zur Schau stelle, das hesst wo von draus k onnt gesiehn sin. Die evangelische Bev olkung von Tr es Forquilhas (i.e. Lutherooner und Reformierte) versammelte sich ohne die Unnerst urtzung von der Rechierung um Fahrer Karl Leopold Voges (1801-1893), wo zu ken Keerich-Hierarchie driwwe in Deitschland geh ort hatt. Earscht im 20. Joahrhunnert hot die Evangelische Gemeinde von Tr es Forquilhas sich mit der Evangelisch-lutherische Kirche Brasiliens (uff Bresiljoonisch: IECLB – Igreja Evang elica de Confiss ao Luterana no Brasil) verb und.

Im Joah 1942, wie Bresilje an der Seit von der Alliierte im (2.) Zwedde Weltkriech gek amft hot, wooh die Gottesdienst und der Schol-Unnerricht in deitsch Sproch verbot. En Tehl von der uff Deitsch geschriebne Toof-, Heirats- und Sterwe-Urkunne (Reschistre) von Tr es Forquilhas sein Keerich wooh domols vernichtd geb. Do existiere weder Heirats-Reschistre aus der Johre 1826 bis 1850 noch Sterwe-Reschistre von 1826 bis 1890. Das tut die Geschicht-Unnersuchung von der Deitsche ehre Inwannrung dohie in dem Fall viel komplizierter mache. Ooch der Friedhof wooh gesch adicht, wo viele Groobsten mit deitsche Inschrifte kaputtgeschlooh geb sind.

*\*En Titel wo domols am onnfang von der 1800s uff Bresiljoonisch "Tenente-Coronel" gehesst hot.*

*\*\*Das ist en Gew asser-System wo bis heitztooch noch sellebstzeidich zwooi Noome kriecht, tats achlich in Gebrauch sind hiedie zwooi: (Fluss) Rio Gua iba und (Lagune) Lago Gua iba.*

*\*\*\*Im Riograndenser Hunsr uckisch kann ma evangelisch soohn und sellebstzeidich tut ma oft ooch evanschelisch h ore.*